

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-639/22  
Sarajevo, 31.3.2022. godine

**Z A P I S N I K**  
**11. VANREDNE SJEDNICE DOMA NARODA PARLAMENTA FEDERACIJE**  
**BOSNE I HERCEGOVINE, održane 31.3.2022. godine**

Sjednica je počela sa radom u 16:23 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate, goste u dvorani i medije.

Izostanak sa sjednice su opravdali: Hadis Jusić i Senad Ahmetović.

Prema evidenciji Stručne službe sjednici prisustvuje 50 delegata, što čini većinu, pa Dom naroda može raditi i punovažno odlučivati.

**Jasmin Duvnjak** je, u ime Kluba delegata bošnjačkog naroda u Domu naroda Parlamenta Federacije BiH, predložio da se u dnevni red sjednice uvrsti tačka:

- **Prijedlog rezolucije o javnom interesu za funkcioniranje Javnog Radiotelevizijskog servisa Bosne i Hercegovine - BHRT, koju je Predstavnički dom usvojio u nastavku 31. sjednice 29.3.2022. godine.**

Predsjedavajući je saopštio da je prijedlog Kolegija Doma naroda da se sa sjednice skine Prijedlog zakona o plinovodu Južna interkonekcija BiH i Republika Hrvatska.

Predsjedavajući je zamolio delegate da se na osnovu člana 164. Poslovnika o radu Doma naroda izjasne da li će se Prijedlog zakona o izmjenama Zakona o osnivanju Instituta za medicinsko vještačenje zdravstvenog stanja razmatrati po skraćenom postupku.

Na osnovu rezultata glasanja, predsjedavajući je konstatovao da je sa 40 glasova za, dva suzdržana glasa i dva glasa protiv, Dom naroda prihvatio da se Prijedlog zakona o izmjenama Zakona o osnivanju Instituta za medicinsko vještačenje zdravstvenog stanja, razmatra po skraćenom postupku.

Predsjedavajući je zatim, stavio na glasanje prijedlog da se Prijedlog rezolucije o javnom interesu za funkcioniranje Javnog Radiotelevizijskog servisa Bosne i Hercegovine – BHRT, uvrsti u dnevni red sjednice.

Na osnovu rezultata glasanja, predsjedavajući je konstatovao da je sa 37 glasova za, devet suzdržanih glasova i jednim glasom protiv, Dom naroda prihvatio prijedlog da se Prijedlog rezolucije o javnom interesu za funkcioniranje Javnog Radiotelevizijskog servisa Bosne i Hercegovine – BHRT, uvrsti u dnevni red.

Na osnovu rezultata glasanja, predsjedavajući je konstatovao da je, sa 47 glasova za, jednim suzdržanim glasom i bez glasova protiv, Dom naroda prihvatio sljedeći:

## DNEVNI RED

1. Prijedlog zakona o izmjenama Zakona o osnivanju Instituta za medicinsko vještačenje zdravstvenog stanja – skraćeni postupak,
2. Prijedlog budžeta Federacije BiH za 2022. godinu,
3. Prijedlog zakona o izvršavanju Budžeta Federacije BiH za 2022. godinu,
4. Prijedlog zakona o izmjenama i dopunama Zakona o budžetima Federacije BiH,
5. Prijedlog rezolucije o javnom interesu za funkcioniranje Javnog Radiotelevizijskog servisa Bosne i Hercegovine - BHRT.

### **1. Prijedlog zakona o izmjenama Zakona o osnivanju Instituta za medicinsko vještačenje zdravstvenog stanja – skraćeni postupak**

Tekst Prijedloga zakona utvrdila je Vlada Federacije BiH.

Predstavnički dom obavijestio je Dom naroda da je na 30. sjednici, održanoj 9.3.2022. godine, usvojio Prijedlog zakona o izmjenama Zakona o osnivanju Instituta za medicinsko vještačenje zdravstvenog stanja u tekstu kako ga je predložila Vlada Federacije BiH.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona obrazložio je Vesko Drljača, federalni ministar rada i socijalne politike i zamjenik premijera.

U raspravi niko nije učestvovao.

Na osnovu rezultata glasanja, predsjedavajući je konstatovao da je sa 45 glasova za, dva suzdržana glasa i bez glasova protiv, Dom naroda prihvatio Prijedlog zakona o izmjenama Zakona o osnivanju Instituta za medicinsko vještačenje zdravstvenog stanja.

### **2. Prijedlog budžeta Federacije BiH za 2022. godinu**

Tekst Prijedloga budžeta utvrdila je Vlada Federacije BiH.

Vlada Federacije BiH dostavila je dva amandmana koji su postali sastavni dio Prijedloga budžeta Federacije BiH.

Predstavnički dom obavijestio je Dom naroda da je na 31. sjednici, održanoj 28.3.2022. godine, usvojio Prijedlog budžeta Federacije BiH za 2022. godinu sa dva amandmana

Vlade Federacije BiH koji su postali sastavni dio Prijedloga budžeta Federacije BiH i tri amandmana koje je Vlada Federacije BiH prihvatila, pa su postali sastavni dio Prijedloga budžeta.

Na Prijedlog budžeta Federacije BiH amandmane su podnijeli Dragana Damjanović i Nikica Bosnić – zajednički, Jasmin Duvnjak i Ivo Tadić – zajednički su podnijeli dva amandmana, Alisa Hajdarović i grupa poslanika iz Predstavničkog doma - zajednički amandman, delegat Ramo Isak – jedan amandman, delegati Vibor Handžić i Mirela Trepanić - Grbešić - zajednički 27 amandmana, delegati Goran Broćeta i Aleksandar Štrbac - četiri amandmana, Damir Marjanović - tri amandmana.

Amandmani su dostavljeni Vladi Federacije BiH na izjašnjenje.

Predsjedavajući je predložio delegatima da donesu zaključak kojim se zbog promjene termina održavanja sjednice, svi pristigli amandmani mogu smatrati kao ravnopravni i tehnički ispravni, kako bi se Vlada Federacije BiH mogla o njima izjasniti.

Na osnovu rezultata glasanja, predsjedavajući je konstatovao da je Dom naroda sa 44 glasa za, tri suzdržana glasa i bez glasova protiv, prihvatio ovaj zaključak.

Prijedlog budžeta Federacije BiH obrazložio je Fadil Novalić, premijer Vlade Federacije BiH.

U raspravi su učestvovali Damir Marjanović, Alisa Hajdarović, Elmedin Konaković, Damir Džeba, Vibor Handžić, Zvonko Marić, Nijaz Musić, Aner Žuljević, Senad Čeljo, Jasmin Duvnjak, Ivo Tadić i Ramo Isak.

Predsjedavajući je saopštio prisutnima da postoji određen broj amandmana na koje se Vlada izjasnila, kao i određen broj na koje se nije izjasnila, te da se ta izjašnjenja pripremaju, i da će se nastaviti sa radom sjednice a da će se kasnije vratiti na izjašnjenje po amandmanima na Prijedlog budžeta Federacije BiH za 2022. godinu i izjašnjenje na Prijedlog budžeta Federacije BiH za 2022. godinu.

### **3. Prijedlog zakona o izvršavanju Budžeta Federacije BiH za 2022. godinu**

Prijedlog zakona utvrdila je Vlada Federacije BiH za 2022. godinu.

Vlada Federacije BiH dostavila je amandman koji je postao sastavni dio Prijedloga zakona.

Predstavnički dom je na 31. sjednici, održanoj 28.3.2022. godine, usvojio Prijedlog zakona o izvršavanju Budžeta Federacije BiH za 2022. godinu s jednim amandmanom Vlade Federacije BiH koji je postao sastavni dio Prijedloga zakona i jednim amandmanom koji je Vlada Federacije BiH prihvatila, pa je postao sastavni dio Prijedloga zakona.

Na Prijedlog zakona o izvršavanju Budžeta Federacije BiH za 2022. godinu amandmane su podnijeli delegati: Jasmin Duvnjak i Ivo Tadić – jedan amandman, delegati Aner Žuljević i Damir Mašić – 17 amandmana, Vibor Handžić i Mirela Trepanić-Grbešić – zajednički amandman.

Amandmani su dostavljeni Vladi Federacije BiH na izjašnjenje.

Vlada Federacije BiH je dostavila Izjašnjenje kojim ne prihvata amandman Anera Žuljevića i Damira Mašića.

Prijedlog zakona su razmatrala nadležna radna tijela i dostavila svoje izvještaje.

U raspravi je učestvovao Aner Žuljević.

Predsjedavajući je saopštio da će se sačekati da se Vlada Federacije BiH izjasni, pa će se po okončanju narednih tačaka dnevnog reda vratiti na izjašnjavanje i o amandmanima i zakonima.

#### **4. Prijedlog zakona o izmjenama i dopunama Zakona o budžetima Federacije BiH**

Prijedlog zakona utvrdila je Vlada Federacije BiH.

Predstavnički dom je na 31. sjednici, održanoj 28.3.2022. godine, usvojio Prijedlog zakona o izmjenama i dopunama Zakona o budžetima Federacije BiH u tekstu kako ga je predložila Vlada Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da ovaj zakon nije dobio potrebnu većinu.

Predsjednik Kluba delegata hrvatskog naroda, Ivo Tadić, je zatražio pojedinačno izjašnjavanje.

Sekretar Doma naroda je izvršio pojedinačno izjašnjavanje.

Na osnovu rezultata glasanja, predsjedavajući je konstatovao da je Dom naroda, sa 32 glasa za, pet suzdržanih glasova i 14 glasova protiv usvojio Prijedlog zakona o izmjenama i dopunama Zakona o budžetima Federacije BiH.

#### **5. Prijedlog rezolucije o javnom interesu funkcioniranja JRTV servisa BiH BHRT**

Podnosioci Rezolucije su Segmedina Srna-Bajramović, Zvonko Marić i Aljoša Čampara.

Predstavnički dom je u nastavku 31. sjednice, održanoj 29.3.2022. godine, donio Rezoluciju o javnom interesu funkcioniranja JRTV servisa BiH BHRT, i tom prilikom usvojen je i Zaključak.

Tekst Prijedloga rezolucije delegata iz Doma naroda istovjetan je Prijedlogu rezolucije kojeg su podnijeli poslanici u Predstavničkom domu Sanela Prašović-Gadžo i Irfan Čengić.

Prijedlog rezolucije obrazložili su Zvonko Marić i Segmedina Srna-Bajramović

U raspravi su učestvovali Elmedin Konaković i Ramo Isak.

Na osnovu rezultata glasanja, predsjedavajući je konstatovao da je Dom naroda, sa 41 glasom za, četiri suzdržana glasa i bez glasova protiv prihvatio Prijedlog rezolucije o javnom interesu funkcioniranja JRTV servisa BiH BHRT.

Predsjedavajući je nakon toga saopštio delegatima da se Vlada izjasnila po amandmanima na Prijedlog budžeta Federacije BiH, ali da se čeka tehnički da ta izjašnjenja pristignu, te zamolio delegate koji su podnijeli amandmane da se izjasne da li ostaju pri svojim amandmanima, koje su podnijeli na Prijedlog budžeta Federacije BiH za 2022. godinu.

**Nikica Bosnić** je tražio izjašnjenje Doma naroda o amandmanima koje su podnijeli on i Dragana Damjanović.

Na osnovu rezultata glasanja, predsjedavajući je konstatovao da Dom naroda, sa 25 glasova za, 14 suzdržanih glasova i četiri glasa protiv, nije prihvatio Amandman Nikice Bosnić i Dragane Damjanović.

**Alisa Hajdarović** je ostala pri svom amandmanu.

Na osnovu rezultata glasanja, predsjedavajući je konstatovao da Dom naroda, sa 22 glasa za, 11 suzdržanih glasova i 12 glasova protiv, nije prihvatio Amandman Alise Hajdarović.

Amandmane su podnijeli delegati Jasmin Duvnjak i Ivo Tadić.

**Ivo Tadić** je povukao Amandman jer je isti usvojen u Predstavničkom domu i tako je postao sastavni dio teksta ovog zakona.

**Vibor Handžić i Mirela Trepanić-Grbešić** su podnijeli 27 amandmana, koje Vlada Federacije BiH nije prihvatila, te su oni odustali od traženja izjašnjenja Doma naroda.

**Goran Broćeta i Aleksandar Štrbac** su podnijeli četiri amandmana, koje Vlada Federacije BiH nije prihvatila.

Na osnovu rezultata glasanja, predsjedavajući je konstatovao da Amandman I Gorana Broćete i Aleksandar Štrbca, sa 17 glasova za, 19 suzdržanih glasova i šest glasova protiv, nije dobio potrebnu većinu.

Delegati Goran Broćeta i Aleksandar Štrbac su odustali od izjašnjavanja Doma naroda za Amandman II, III i IV.

**Damir Marjanović** je podnio tri amandmana i ostao pri traženju izjašnjenja Doma naroda.

Na osnovu rezultata glasanja, predsjedavajući je konstatovao da Amandman I Damira Marjanovića, sa 27 glasova za, 16 suzdržanih glasova i jednim glasom protiv, nije dobio potrebnu većinu.

Na osnovu rezultata glasanja, predsjedavajući je konstatovao da Amandman II Damira Marjanovića, sa 24 glasa za, 16 suzdržanih glasova i tri glasa, protiv nije dobio potrebnu većinu.

Na osnovu rezultata glasanja, predsjedavajući je konstatovao da Amandman III Damira Marjanovića, sa 27 glasova za, 17 suzdržanih glasova i dva glasa protiv, nije dobio potrebnu većinu.

**Ramo Isak** je podnio jedan Amandman kojeg Vlada Federacije BiH nije prihvatila, ali je on ostao pri traženju izjašnjenja od Doma naroda.

Na osnovu rezultata glasanja, predsjedavajući je konstatovao da Amandman Rame Isaka, sa 16 glasova za, 11 suzdržanih glasova i šest glasova protiv, nije dobio potrebnu većinu.

Nakon izjašnjavanja o amandmanima, prešlo se na glasanje o Prijedlogu budžeta Federacije BiH za 2022. godinu, sa amandmanima koje je Vlada Federacije BiH prihvatila, pa su postali sastavni dio teksta Prijedloga budžeta.

Na osnovu rezultata glasanja, predsjedavajući je konstatovao da je Dom naroda, sa 30 glasova za, pet suzdržanih glasova i 12 glasova protiv, usvojio Prijedlog budžeta Federacije BiH za 2022. godinu.

**Aner Žuljević**, je uz podršku ostalih delegata, izrazio sumnju u rezultate glasanja, i zatražio pojedinačno izjašnjavanje.

Nakon pojedinačnog izjašnjavanja, predsjedavajući je konstatovao da je Prijedlog budžeta Federacije BiH, sa 31 glasom za, četiri suzdržana glasa i 14 glasova protiv, dobio potrebnu većinu.

Preostalo je da se delegati izjasne o zaključcima koji su predloženi u raspravi oko Prijedloga budžeta Federacije BiH za 2022. godinu.

Predsjedavajući je stavio na glasanje prijedlog zaključka Kluba delegata bošnjačkog naroda u Domu naroda Parlamenta Federacije BiH.

Predsjedavajući je konstatovao da Dom naroda, sa 28 glasova za, osam suzdržanih glasova i četiri glasa protiv, nije usvojio sljedeći:

### **ZAKLJUČAK**

Dom naroda Parlamenta Federacije BiH zadužuje Vladu FBiH da prilikom utvrđivanja kriterija za raspodjelu sredstava ekonomski kod 6141 – tekući transferi drugim nivoima vlasti (kantoni i općine) 10 miliona KM raspodijeli tako što će se pet miliona KM rasporediti ravnomjerno na općine izuzetno nerazvijene i nerazvijene općine u FBiH a ostatak od pet miliona KM da se rasporedi linearno na sve općine u FBiH.

Jasmin Duvnjak je zatražio pojedinačno izjašnjavanje u vezi ovog zaključka.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 19 glasova za, 18 suzdržanih i devet glasova protiv, nije prihvatio ovaj zaključak.

Nakon toga, predsjedavajući je stavio na glasanje prijedlog zaključka Kluba delegata bošnjačkog naroda u Domu naroda Parlamenta Federacije BiH.

Predsjedavajući je konstatovao, da Dom naroda, sa 12 glasova za, 15 suzdržanih i 11 glasova protiv, nije prihvatio sljedeći:

### **ZAKLJUČAK**

Dom naroda Parlamenta Federacije BiH zadužuje Vladu Federaciju BiH da u sklopu Budžeta Federacije BiH za 2022. godinu povodom izražene nagle inflacije koja se najviše manifestuje kroz rast cijena osnovnih životnih namirnica iz raspoloživih resursa osigura pomoć za najugroženije kategorije stanovništva u FBiH a sve do stabilizacije rasta cijena i ekonomskih prilika u BiH.

Predsjedavajući je nakon toga, stavio na glasanje prijedlog Zaključka Elvedina Mušanovića na Prijedlog budžeta Federacije BiH:

### **ZAKLJUČAK**

Predlažem da Vlada Federacije BiH iz svoje tekuće rezerve ili sa drugih ekonomskih kodova uplati na račun Javne ustanove bolnica za plućne bolesti i tuberkulozu Travnik sredstva u iznosu od 500.000,00 KM. Bolnica za plućne bolesti i tuberkulozu Travnik je jedina zdravstvena ustanova koja je izostavljena iz finansijske pomoći Vlade Federacije u proteklim godinama a bila je kičma zdravstvenog sistema u Srednjobosanskom kantonu u toku pandemije uzrokovane virusom COVID-19.

Na osnovu rezultata glasanja, predsjedavajući je konstatovao da je Zaključak Elvedina Mušanovića sa 34 glasa za, osam suzdržanih i bez glasova protiv, dobio potrebnu većinu.

Predsjedavajući je nakon toga stavio na glasanje prijedlog Zaključka Jasmina Duvnjaka, delegata u Domu naroda Parlamenta Federacije BiH.

### **ZAKLJUČAK**

Dom naroda Parlamenta Federacije BiH zadužuje Vladu FBiH da prilikom eventualne izmjene i dopune Budžeta Federacije BiH za 2022. godinu ili u pripremi Budžeta Federacije BiH za 2023. godinu planira sredstva u iznosu od dva miliona KM za modernizaciju i rekonstrukciju stadiona Bilino Polje u Zenici.

Na osnovu rezultata glasanja, predsjedavajući je konstatovao da Zaključak Jasmina Duvnjaka sa 13 glasova za, 19 suzdržanih i devet glasova protiv nije dobio potrebnu većinu.

Potom se prešlo na izjašnjavanje o amandmanima na Prijedlog Zakona o izvršavanju Budžeta Federacije BiH.

Amandmane na Prijedlog Zakona o izvršavanju Budžeta Federacije BiH za 2022. godinu podnijeli su : Jasmin Duvnjak i Ivo Tadić – zajednički Amandman, Aner Žuljević i Damir Mašić, poslanik iz Predstavničkog doma Parlamenta Federacije BiH - 17 amandmana, Vitor Handžić i Mirela Trepanić-Grbešić – zajednički Amandman.

Vlada Federacije BiH je dostavila Izjašnjenje, kojim Amandman Jasmina Duvnjaka i Ive Tadić nije prihvatila.

**Ivo Tadić** je odustao od izjašnjavanja Doma naroda po ovom amandmanu jer je amandman usvojen u Predstavničkom domu Parlamenta Federacije BiH.

**Aner Žuljević i Damir Mašić**, poslanik iz Predstavničkog doma Parlamenta Federacije BiH su podnijeli zajednički 17 amandmana.

Vlada Federacije BiH je dostavila Izjašnjenje, kojim ne prihvata ove amandmane.

**Aner Žuljević** je istaknuo da želi izjašnjenje Doma naroda po ovom amandmanu.

Na osnovu rezultata glasanja, predsjedavajući je konstatovao da Amandman I Anera Žuljevića i Damira Mašića sa 21 glasom za, 18 suzdržanih glasova i dva glasa protiv, nije dobio potrebnu većinu.

Na osnovu rezultata glasanja, predsjedavajući je konstatovao da Amandman II Anera Žuljevića i Damira Mašića sa 20 glasova za, 17 suzdržanih glasova i dva glasa protiv, nije dobio potrebnu većinu.

**Aner Žuljević** je odustao od traženja izjašnjenja Doma naroda po ostalim amandmanima.

**Vibor Handžić i Mirela Trepanić-Grbešić** su podnijeli zajednički Amandman, koji Vlada Federacije BiH nije prihvatila.

**Vibor Handžić** je odustao od izjašnjenja Doma naroda po ovom amandmanu.

Nakon izjašnjenja Doma naroda po amandmanima na Prijedlog zakona o izvršavanju Budžeta Federacije BiH za 2022. godinu, prešlo se na glasanje o Prijedlogu zakona o izvršavanju Budžeta Federacije BiH za 2022. godinu.

Na osnovu rezultata glasanja, predsjedavajući je konstatovao da je Dom naroda sa 30 glasova za, šest suzdržanih glasova i 10 glasova protiv, prihvatio Prijedlog zakona o izvršavanju Budžeta Federacije BiH za 2022. godinu.

Delegatima se nakon glasanja o Prijedlogu zakona o izvršavanju Budžeta Federacije BiH za 2022. godinu nakratko obratio premijer Vlade Federacije BiH, Fadil Novalić.

Sjednica je završila sa radom u 20:36 sati.

Transkript sjednice čini sastavni dio Zapisnika.

\*\*\*

SEKRETAR  
Izmir Hadžić

PREDSJEDAVAJUĆI  
Tomislav Martinović